

Pa esei mi **Kurason** ta **Kontentu**, i mi **Alma** ta **Regosihá**; mi **Kurpa** tambe lo **deskansá** i **biba** ku **Konfiansa** den **Siguridat**. Pasobra lo **Bo** no entregá mi **Alma** na **morto**, tampoko lo **Bo** no permití **Bo Santu** mira **korupshon**. Lo **Bo siña** mi e kaminda di **bida**; den **Bo presensia** tin **Abundansia** di **Goso**; na **Bo Man Drechi** tin **Delisia** pa **Eternidat** (**Salmo 16:9-11**).

Rei David tabata hasi **Kontrario** na loke e tabata **mira, tende** i **sinti**. Rei David su **sirkunstansianan** no tabata bon, pero na lugá di ta **desepshoná, desanimá** òf **derota**, Rei David tabata **Alabá i Adorá Dios Tata** den tur su **sirkunstansianan**. Rei David no tabata laga su **mente**, su **boluntat** i su **emoshon**, ser **desepshoná, desanimá** òf **derota**, ala **Kontrario** Rei David tabata **Alabá i Adorá Dios Tata** den tur su **sirkunstansianan**.

Nos ta konsistí di **tres parti distinto**, pero **inseparabel**; **Nos Kurpa, Nos Alma** (**mente, boluntat, emoshon**) i **Nos Spiritu**.

Ora **Nos** no konosé **Yeshua, Mesias, Nos** prinsipionan ta drei rondó di **Nos Kurpa** i alimentashon di **Nos karni**. No ta asina ku **Nos Kurpa** di ningun manera **no ta bon** òf tin **maldat** den dje, pero simplemente **Nos Kurpa** tin nesesisidatnan **karnal** ku e **Kurpa** kièr pa wòrdu satisfasé. **Nos Kurpa** kièr asina tantu **plaser** ku lo mínimo na **doló**. **Kontrario** na **Nos Kurpa** su nesesisidatnan **karnal, Nos** mester **disipliná Nos Kurpa. Disiplina** ta ora **Nos mente i boluntat i emoshon** presentá i bisa e **Kurpa "NO"** òf ora **Nos mente i boluntat i emoshon** laga **Nos** hasi kosnan ku ta **Benefisioso** pa **Nos**, ku despues di **largu tempu** lo sali na kla, na lugá di kosnan di **plaser instantáneo**.

Nos mester **Alabá i Adorá Dios Tata** tur ora. **Kontrario** na **Nos sirkunstansianan no bon** òf **malu** segun **Nos** òf ku **Nos** ta sinti **Nos desepshoná, desanimá** òf **derota** e ora ei; **Nos** mester **Alabá i Adorá Dios Tata** mas tantu (**Salmo 71:6-8**).

Alabansa i Adorashon ta trese **Dios Tata** den **Nos situashon** (**Salmo 22:2**).

Alabansa i Adorashon ta trese **Nos** den **presensia** di **Dios Tata** (**Salmo 140**).

Alabansa i Adorashon ta trese **Nos protekshon** pa **Nos situashon** (**Salmo 97:11**).

Alabansa i Adorashon ta trese **Nos liberashon** for di **Nos situashon** (**Salmo 50:23**).

Alabansa i Adorashon ta trese **Nos preservashon** di **Dios Tata** (**Salmo 40:11**).

Alabansa i Adorashon ta **un arma, un spada** den **Nos man** pa **bringa** (**Salmo 59:17**).

Alabansa i Adorashon ta trese **Dios Tata** den **Nos lucha** i **Dios Tata** ta **bringa** pa **Nos** (**2 Krónika 20:22**).

E palabra prinsipal den tur kos ta **Kontrario**. **Nos Alma** ku ta enserá **Nos mente, boluntat i emoshon**, mester bringa **Nos karni** i skohe pa **Alabá i Adorá Dios Tata**. Semper lo tin **sirkunstansianan** ku por a bini dor di **satanas òf Nos mes su hasi òf Dios Tata** a permití. No ta importá di unda òf kon e **sirkunstansianan** a yega, **Alabansa i Adorashon** ta trese **Dios Tata** su **Amor i Grasia** den tur situashon.

Awor dikun **Alabansa i Adorashon**?

Tabata tin shete **Arkangel** i unu yama **diabel, satanas, lucifer, dragon** (**Revelashon 12:7-12**) i su tarea tabata pa **Alabá i Adorá Dios Tata** kontinuamente, di dia i anochi. Dor di **satanas su orguyo**, keriendo ku e ta mas mihó ku **Dios Tata** ela wòrdu benta for di **Shelu**. Ta pa esei awor e **diabel** lo purba hasi tur su posibel pa **Nos** sinti **Nos desepshoná, desanimá òf derota**. E ora ei **Nos**, e **Vensedónan**, mester lanta para i **Alabá i Adorá Dios Tata** den tur **Nos sirkunstansianan** i **Dios Tata** lo **presentá** i trese **protekshon** i **preservashon** dor di **Nos Redentor, Esun Santu di Israel (Isaías 41:14)**.

Awèl ora **Nos** ta den **Alabansa i Adorashon**, **Nos** ta den e posishon **Privilegiá** ku **satanas** no tin mas. **Nos**, e **Vensedónan**, ta yunan di **Dios Tata**. **Nos** ta **Poseé** loke e **dragon** a **pèrdè** dor di **su orguyo**; **Dios Tata** su **Amor i Grasia**. Pero manera tin skirbi den **Skritura**, "Kosnan ku **wowo no a mira** i **orea no a tende** i ku **no a drenta Kurason** di hende. Tur loke **Dios Tata** a prepará pa esnan ku ta **Stima E**, ku tin **Referensia Kariñoso**, ku ta **Obedesé Dios Tata** anto ku ta **Rekonosé** ku **Gratitut** e **Benefisionan** ku **Dios Tata** a **Otorgá** na **Nos (1 Korintionan 9:2)**

23 September 2016

Sea Bendishoná den e Amor di Yeshua Mesias

Rev. Remsly L Riley